

La **doturia Mahlknecht é demez** le lönesc, 30/11, y vëgn sostituida dal dotur Marcocci 338 72 80 518. Le **dotur Agreiter é demez** dal vëndres al dedemesaledema, dai 4 ai 9 de dezëmbër y vëgn sostituì dala doturia Mahlknecht 349 06 67 034.

PLOANIES SAN MARTIN Y LUNGIARÜ

La festa de **contlujiun dla Sinoda Diozejana** tla forma de öspi cun le vëscó é en Santa Maria, 08/12, dales 15.00, tl Dom da Porsenú cun n bufett dedò tla Academia Cusanus. La **daurida dl Ann Sant dla Misericordia** cun le vëscó por i credënc de nosta diozeja é te trëi posc en domënia (13/12) dales 6.30 cun n Rorate tl Dom da Porsenú, en Nadé (25/12) dales 10.00 tl Dom da Balsan y en Nanü (01/01) dales 15.00 a Weissenstein. Chi che é interessá da tó pert ales döes zelebrazions di 8 y di 13 de dezëmbër tl dom da Porsenú dess se prenoté cina en jöbia, ai 03/12, pro Tone Gasser 348 27 44 517

Pater Ian invieia chi che é a öna da fá val' sorvisc por la liturgia o ince d'atri sorvisc tl santuar da Oies en sabeda ai 05/12 do mëssa dles 16.00 tla stüa dl Sant a na incuntada.

SAN MARTIN

En sabeda, ai 05/12, **Rorate di jogn** da San Martin y Antermëia, cianté dal cor di jogn da San Martin. Dedò é i jogn invia tl salf di stödafüch a sté adöm pro n pü' de tē.

En domënia, ai 06/12, organisëia i jogn na picia **sfilada de San Micorá**. I piun ia dales 16.00 dala ciasa de palsa y jun tl salf di stödafüch. Dailò ciafa i mituns n pice scarnüz y i gragn vin cöt y tē. An preia do na picia spënorä da cori les spëises.

I **Seniors da S. Martin** é invia en domënia, 06/12, sö Antermëia - *ciarede ultima plata*

Dër bel dilan a döt le cor, ales uniuns dles ëres y di ëi y a düc chi che á porté pro y che é gnüs ala festa de Santa Zezilia sciöche reconescënza por düc chi che s'á dedicé ala musiga sacra de nosta comunité. N dilan de cör ala ciantarina Stina Bioc Clara che á cianté 64 agn pro le cor cun gran leziténtza y fedelté. *la presidënta - Monica Trebo*

Bel dilan dl **contribut ala ploania**; y chi che ne l'ess nia ciamó paié é dër bel peria da le fá. Al é 40 euro por vigni porsona che à compli 18 agn, tué fora i studënc; al pó gní paié ite tla banca o online banking: IBAN: IT 11 J 08010 58830 000304004922.

LUNGIARÜ

La **Uniun di Seniors invieia** düc i seniors en mercui ai 2 de dezëmbër al Rorate y dedò esi düc invia tl'ostaria Fornata a gosté.

Dilan dles ofertes por le defunt Scimun Mischi da Fam. Mischì Florian, Ilda Clara (por la dljia) y Ingrid Clara (por ciüf). -----

Sentada generala dla Uniun dles Patrones - *ciarede ultima plata*

Uniun Patrones: **Curs da fá checs** por Nadè cun Marlene - *ciarede ultima plata*

Incö, 29/11, **Marcé da Nadé**, dales 10.00-17.00, a Pidrô tla Spona

Conzert d'Advënt „Missa solemnis” de Mozart & cianties“ cun le cor cantus iuvenis cun orchestra (dir. A. Comploi) en sabeda, 05/12, dales 20.00, tla dljia d'Al Plan.

Döt le bun a chi che complësc i agn de dezëmbër

a San Martin: siur Franz Sottara che nen complësc 80 ai 25
Ida Dejaco che nen complësc 88 ai 25

a Lungiarü: Marino Clara che nen complësc 84 ai 12
Giovanna Schanung che nen complësc 92 ai 23



www.unitepastorala.org

Plata dles Ploanies San Martin y Lungiarü

siur **Iaco Ploner** 333 48 32 765 / 0474 453 003 - ploner.jakob@aruba.it
redaziun: anton.gasser@rolmail.net - 348 27 44 517 / 0474 523 194

29.11. - 6.12.2015 nr. 1


termo da publiché: jöbia 20.00
radio: 90,40 / 93,70

1ª DOMËNIA D'ADVËNT - B

Vangele: Lüca 21, 25–28.34–36

Al apariarà sègns te sorëdl, tla löna y tles stères y söla tera sarà i popui plëgns de tēma y de spavënt por le rausciamënt y le drumblamënt dl mer.

La jënt se desfantarà dala pôra, aspetan les cosses che vëgn sura la tera: deache les potënzes dl cil gnarà scassades decà. Spo odaran le Fi dl Om gnón te na nìora cun gran potënza y gloria. Canche döt chësc mët man, spo derzësse sö y alzede le ée; deache osta salvëza é daimprò.



ADVËNT:

Döta nosta vita é n advënt. I s'arjignun da s'incunté cun le Signur, canche l'ora sará ca. Vigni ann nes vëgnel pité chësc tēmp de grazia por se mēte danü sön tru adincuntra a nosta destinaziun.

De vigni sort de de beles usanzas ó nes daidé da anuzé bun chësc tēmp: la gherlanda, i calëndri, les liturgies te familia, i rorate, conzerc y teatri te scora, implü les festes di sanc Micorá, Ambroje y Lizia.

I oress ti dé na gran importanza ala oraziun dles Aimaries, ch'an dess perie vigni de. Dandadöt desson ince zidlé n'atmosfera de "tenerezza e accoglienza" te familia, sciöche le Papa s'al dejdrëia.

Na proposta concreta por la pröma edema:

- i ti diji a Gejü, che i speri te ël,
- i lasci da me lamenté o da bruntoré tresfora.

N bun Advënt

le ploan

	SAN MARTIN		LUNGIARÜ
29.11.15 1^a DOMËNIA D'ADVËNT - C Domënia dla Dlijia te ciasa	9.00 Corona 9.30 Benediscium dles gherlandes d'Advënt Gran Mëssa dla comunité 19.00 Oraziun tles families	06.12.15 Domënia	7.55 Corona 8.15 Benediscium dles gherlandes d'Advënt Gran Mëssa dla comunité 19.00 Oraziun tles families
30.11.15 Lönesc <i>André apostul</i>	Oraziun te familia	30.11.15 Lönesc	7.30 Funziun d'Advënt
01.12.15 Dedolönesc <i>Natalia</i>	19.30 Rorate recort de + siur Heinrich Videsott + + Sciandro y Hannele Trebo, Tasser + + + Oliva, Paul y Purgl Prousch	01.12.15 Mertesc	7.30 Zelebrazium dla Parora de Dî
02.12.15 Dedemesaledema <i>Luzius, Bibiana</i>	Oraziun te familia	02.12.15 Mercui	7.30 Rorate por i Seniors familia Paul Clara, Brocia + + Serafin y Emma Clara
03.12.15 Jöbia <i>Francësch Xaver</i>	7.00 Adoraziun 7.30 Mëssa di scolars en onú de Sant Ujöp da Oies + + Castlunger, Roder + Maria Unterweger Corona por vocaziuns Comuniun ai amará	03.12.15 Jöbia	7.30 Devoziun d'Advënt
04.12.15 <i>Barbara, Adolph Kolping,</i> <i>Johannes Nepomuck Tschiederer</i> pröm vëndres	19.00 Adoraziun chîta 19.30 Zelebrazium dla Parora de Dî	04.12.15 Vëndres	9.00 Comuniun ai amará 19.00 Adoraziun 19.30 Rorate por les Patrones + Irene Pescoll + + Milia y Nisio Clara
05.12.15 Sabeda <i>Anno, Reginhard</i>	15.30 Mëssa tla Ciasa de Palsa 18.30 Rorate di Jogn y di Zidlaês + Pepi Deiaco, Larjëi (dl ann) + Frida Prada	05.12.15 Sabeda	20.00 Rorate por familia Giovanni Costa 3° de sopoltöra de Scimun Mischi dl ann + Sisto Clara
06.12.15 2^a DOMËNIA D'ADVËNT - C	9.30 Gran Mëssa dla comunité Rorate dla Uniun di Èi Rorate dla Uniun dl Sport <i>cun le cor di mituns</i>	06.12.15 Domënia	7.55 Corona 8.15 Gran Mëssa dla comunité